



JL 6  
2529  
17





門牌 86  
號 2529  
卷 49-17



吉林通志卷四十一

經制志六

礦廠

會城東南木齊河

咸豐四年奏請開採其奏請封禁年月舊案無存

會城東歲沙河

流民私開同治七年奏請封禁

三姓城東南樺樹林子

夾皮溝

太平溝

蜂蜜山

以上四處光緒四年奏請試辦其奏請封禁年月舊案無存

三姓城東南太平溝

樺皮溝



南淺毛溝

以上三處光緒十六年奏請試辦八月十七日奏請封禁以上金礦

咸豐四年閏七月初九日將軍景淳奏竊咸豐三年戶部咨令各直省遇有金銀礦場卽行開採納課等因<sub>臣</sub>履任以來適有商民劉芳圃等以登潭卡倫所屬之木齊河一帶產有金砂呈請採辦<sub>臣</sub>遂派員勘得木齊河在封禁山場之外與風水地脈無礙臨江一帶露有金苗似堪開採<sub>臣</sub>隨給商民劉芳圃等執照仍令原派之員督同採辦旋據稟稱目下招人試採逐日所得金砂僅敷人夫工食無甚贏餘訊據劉芳圃等聲言現採之地其苗不旺是以未能多得若

採至旺處必可交官納課等語<sub>臣</sub>劄飭該委員等認真試看如往後金苗果旺可以於公私有益卽定章程奏請開採納課儻仍止敷衍日用卽行停止封閉奉

硃批知道了欽此

同治七年二月二十五日將軍富明阿奏爲酌擬葳沙河等處金場明定派員分季輪查章程永奠邊疆而肅山場事竊照葳沙河等處金場屢經

奏奉

諭旨派員安插遣散金夫不致流而爲匪當經派協領那斯



洪阿富爾丹帶兵前往安插遣散查辦完竣復經前署任副都統富爾孫親往覆查委無偷挖情弊所有金夫除遣散驅逐外其餘概歸樺皮甸子等處務農安業伏查葳沙河金場南與輝發河毘連而輝發一帶向爲奉天盜賊之藪儻查察稍鬆難免奸民濫入復起偷挖肇衅之漸是以上年冬月間遴派原辦花翎協領富爾丹等帶兵百名前往葳沙河一帶巡查尙無潛入偷挖人犯獲得馬匪四名焚燒偷搭窩棚數處現乘春初河冰未化之先仍派該協領富爾丹等帶兵往復周歷嚴查旋據稟報葳沙河一帶老金

場委無奸民濫入偷挖等語前來臣等覆覈雖屬無

異然慮老金場一帶地方遼闊山路旣多崎嶇林麓更屬稠密加以崇巖陡澗夏秋之際人馬不能深入難免不無偷挖情事查此偷山人犯口糧必須冬令乘江水凝結挽運若嚴定稽查章程阻其偷越諒不待驅而自息矣臣等擬定每年以春冬爲率卽派原辦安插金場之協領那斯洪阿花翎協領富爾丹二員輪流帶兵巡查一次有匪必獲有棚必焚並嚴禁米麪以杜偷運之弊以專責成而奠疆域統俟一二年後山場經久肅清再行奏明停往再甯古塔副都



統烏勒興阿今正因公進省臣面詢甯古塔屬驅逐各金場事宜據該副都統聲稱現已派員帶兵將一概金夫驅逐淨盡不致復聚等語臣卽擬責令該副都統仿照省會明定巡查金場章程分春夏兩季遴派妥員帶兵實力摻查禁止販運米麩以歸畫一而肅山場奉

旨葺沙河一帶金場仍著該將軍等飭令派出各員嚴密摻查毋任奸民濫入偷挖欽此

光緒十六年三月二十九日將軍長順奏爲查明三姓地方產金擬請派員試行開採以濬利源事竊維五金礦產爲天地自然之利果能採取如法經理得宜裕國足民悉基於此吉林金礦如省南木其河夾皮溝及甯古塔所屬之萬鹿溝等處從前聚集數千人偷挖自封禁後往往潛赴三姓山內搭蓋窩棚採取木耳名爲菜營實則乘間盜挖金沙拏獲盡法懲辦並派隊遂散棚民而顛愚無知趨利如鶩驅去復來羣傳吉林通省以三姓礦苗最佳如樺皮楸皮各溝及南淺毛楊木岡並黑背等處均有金匪私挖舊跡且其處地脈堅凝山嶺重疊砂色渥丹引苗時見洩露查光緒十四年十一月間翰林院侍講崔國因



條奏東三省情形其論金礦一條謂與其使鄰國垂涎而起侵佔之釁曷若由本國開採以裕兵餉之源洵屬切中時弊當時會奉

諭旨會同定安酌覈妥議臣以到任未久地利興廢絕無把握未敢率爾覆陳今則搏採輿論勘驗形跡按以邊地時勢而知開礦之舉實難置爲緩圖所慮款項支絀工本無資再四籌思惟有先行試辦一法從來談礦務者每於官辦商辦民辦迄無定論前經部議有商理其事官總其成兩言至當不易而試辦之法尙未足以語此祇能化私爲官而已金夫首領俗謂

把頭每一把頭作一股每股俗謂一枝幫其下有幾盤溜一溜不過用二三十人今擬按溝派把頭一名管領幾枝每枝再派幫管領一二十人分作一二十溜其人卽就近挑諸菜營免致驅逐後流而爲匪按照人數編冊稽查所有器具食糧油柴均由各把頭自行備辦無待官爲籌款卽委員司事人役薪工亦俟出金抽釐積有成數再行定章開支現已派員前往查勘情形一面咨會三姓副都統就近督同勘辦十六年六月二十一日將軍長順奏爲續報委員勘明三姓金礦地方並暫時試挖得金緣由竊照三姓



地方前經<sub>臣</sub>訪聞該處山內貧民搭蓋窩棚採取木  
耳名爲菜營實則乘間並挖金沙驅去復來一時難  
以斷絕當於本年三月三十日奏請化私爲官以濬  
利源奉

旨該衙門議奏欽此欽遵在案當<sub>臣</sub>出奏後旋接委員等  
稟稱金溝在三姓東南一隅距城約三百里溝名有  
南淺毛老淺毛樺皮太平之分周圍幾及二百里地  
勢如上字形南淺毛溝長十五六里已掘有二十餘  
條水道老淺毛溝在南淺毛之北長約十里與長五  
六里之樺皮溝相接均有五六條水道此三溝之東

越老爺嶺下爲太平溝南北長百餘里計水道五六  
十條各水道或深二三尺及七八尺不等樺皮一溝  
兼大方坎各溝被挖之處蜜如蜂房幾無隙地蓋金  
匪之忽聚忽散恣行偷挖者已數十年於茲矣金色  
以南淺毛樺皮兩溝爲最產金之處多在山陰凡山  
之陽雖見金綫亦甚稀少惟山深林密頭頭是道金  
匪最易藏蹤官至則散而爲樵官去則聚而偷探查  
各溝附近菜營窩棚及無業流民約計不下千餘人  
逐之必至流而爲匪不逐又無以使其不挖計惟有  
化私爲官之法子限數月暫行試採數月以後則此



項流民是否可用地利能否久興均有把握所定章程亦可因利制宜不致徒勞而鮮獲並聲明楸皮一溝及黑背等處應俟勘明統行詳細繪圖貼說呈送等情<sub>臣</sub>查所稟係屬實在情形不得不稍事變通且事已奏明勘辦當經批准予限兩箇月暫行試採嗣復據委員等稟稱各溝產金衰旺不一旺者綫脈幾厚至三尺寬二三尺不等衰者亦厚尺餘然金夫有初挖而卽得金者有淘沙至十餘日而一無所獲者蓋金綫甚細私挖之弊由來已久以致體認難眞現在試採未有定章凡金夫之器具衣食悉令自備無論得金多寡俱按一成從寬抽取三成歸公該金夫亦覺馴良可用從前各溝共有千餘今已陸續遣散祇剩三四百人一俟散盡再將所抽課金並支銷經費數目勾稽具報並先附解金砂壹百兩呈驗等情前來<sub>臣</sub>查吉林爲我

朝根本重地三姓又與俄疆毘連開礦之舉誠宜其難其慎前奏試辦之請意在漸事擴充不欲先行鋪張致貽一發難收之悔今閱該委員等前後所稟之詞爲之詳加體察覺地利可興而人數不可不限此卽因地制宜之辦法也<sub>臣</sub>智識短淺於礦務又毫無閱



歷未敢固執已見且該處准否開礦尙未奉准議覆未便遽定章程惟迭據該委員等稟請變通辦理均係前次出奏以後之事相應請

旨飭下一併覈議速覆俾得詳細擬定章程奏請

聖裁奉

硃批該部知道欽此

再三姓礦務前經<sub>臣</sub>長順將委員勘明礦苗及予限暫時試採情形詳細奏明奉

廷寄著李鴻章會同長順遴選幹練之員前往三姓切實履勘議章覆奏等因欽此當經電准李鴻章飭令督辦

漠河礦務候補道李金鏞派員往勘在案茲據試採三姓金礦委員稟稱試採金礦限期屆滿所有金夫散遣已盡有業者使其歸業無業者飭令回籍不准逗遛並嚴行封禁俾免進溝偷挖等情並據將所抽課金自行解交前來<sub>臣</sub>查此次採礦兩月有餘共抽金六百四十四兩八錢二分五釐除呈海軍衙門五十兩北洋大臣十兩考驗並開支經費銀一千七百六十七兩二錢六分六釐覈計用金一百二十九兩八錢二分四釐外實存金四百五十五兩零一釐以備將來開採經費除咨部查覈外謹附片具陳再此



項開採經費委係實用實銷應請免其造報奉

硃批該衙門知道欽此

以上俱  
官冊

琿春城西北天寶山

光緒十七年奏請  
試辦銀礦今存

光緒十七年三月初九日將軍長順奏為勘明琿春  
天寶山銀礦現已派員試辦將大概情形據實密陳  
事竊臣恭承

恩命辦理邊務深慮常年兵餉日久難繼每就地擘畫濬  
開利源庶外省多籌一分之餉卽部庫少紓一分之  
力自抵任後周諮博訪羣以三姓產金琿春產銀為  
美譚三姓金礦前已將化私為官暫時試辦情形詳

細奏明在案惟琿春產銀之說一時無從考證經恩  
澤遴派候選縣丞程光第細加躡勘當於南岡天寶  
山見有銀礦已挖成硎似係昔日流民私開因其無  
利而棄者取驗砂質不甚精美復於附近地方覓得  
礦苗鑿驗砂質較之舊硎為優上年春間恩澤赴南  
岡校閱右路一軍折至該處覆加履勘覈與程光第  
所勘情形相符與臣往返函商隨令程光第招集商  
本試行開採去後茲據稟稱勘得天寶山在吉林省  
城東南七百餘里西接哈爾巴嶺蜿蜒二百六十里  
為此山之發脈南襟古城大川北帶博爾哈通河峰



巒秀異巖壑深藏出脈聚氣與他山迥殊自奉派後擬卽招集商股銀一萬兩未能如數先行奏足五千兩前往該處建造房屋購運糧食置備器械僱募人夫盡力開採從前流民所開舊硎係在北山穿至七尺卽因石堅停鑿至另採銀苗二枝係在南山其一枝入山綫鑿至丈餘未見槽砂其一枝立山綫計鑿八硎惟第三硎始得正脈其餘各硎雖見苗砂尙無正綫未敢深求致滋虛費現在第三硎鑿至十五丈砂綫時寬時窄寬則三尺餘窄則尺餘足供四十餘人採取月可出砂十五六萬斤初鑿之砂每千斤煉

銀質二十餘斤提銀十二兩有奇迨鑿深十九丈每千斤煉銀質七十餘斤提銀三十一二兩以目下月出砂數覈計提銀約可出銀四千五六百兩現在存砂七十餘萬斤擬趁此春融廣備灰炭先設燒生砂大鑪八十座每座燒生砂三千斤用木炭燒煨三次每月出熟砂二十四萬斤又加煉銀質大鑪四十八座每天輪流煉熟砂八千斤可出銀質五六百斤提銀三百餘兩覈計一箇月可出銀一萬兩近時礦丁鑪匠及雜丁夫已用一百七十一名若再設鑪煉砂尙須添用一百數十名共三百餘名月需工食銀一



千七八百兩月需油鐵等項五六百兩連局用薪水  
每月共需經費銀二千數百兩如每月煉提銀一萬  
兩尙可贏餘七千餘兩第煉提賴乎人工本屬可遲  
可速而鑿取限乎地利不能予取予求且夏秋陰雨  
時候地氣鬱蒸硎丁在硎未能久作勢所必至祇期  
此後各硎一律開及正脈足供多人採取苗綫日增  
提銀自鉅應如何酌提歸公以裕餉源覈計獎敘以  
資激勵之處續俟擬定章程呈請覈辦等情並將銀  
兩銀質生熟各砂呈驗前來臣查程光第勘辦銀礦  
既經覓有苗綫二枝開硎九處據稱雖只一硎開及

正脈而每月出砂可提銀四千五六百兩加鑪燒煉  
月可出銀萬兩是剏辦之始無虞虧賠將來各硎皆  
得正脈苗綫日漸增多則其利之充盈尤可想見裕  
餉固邊計誠莫善於此第煉砂提銀僅恃土法恐銀  
質未淨多所委棄現已派員馳赴天津購辦洋鑪並  
恐程光第一人難以周顧添派候選縣丞祿崧前往  
會同辦理一面仍飭該員等作速妥擬詳細章程再  
行酌覈奏請

聖裁除將送到寶銀一錠銀質一塊生熟各砂數包咨呈  
海軍衙門考覈外所有派員試採琿春天寶山銀礦



緣由理合恭摺密陳奉

硃批該衙門議奏欽此

官册

會城西南營盤溝

嘉慶二十年奏請開採二十一年奏請封閉

會城正西波泥河

會城西北胡家屯

會城東北缸窰

丁家溝

以上四處嘉慶二十年奏請開採二十三年奏請封閉

田家屯

嘉慶二十年奏請開採其奏請封閉年月舊案無存

江東三道溝

道光元年奏請開採其奏請封閉年月舊案無存

江西柳樹河子

光緒六年奏請開採其奏請封閉年月舊案無存

陶家屯

光緒七年奏請開採九年奏請封閉

荒山子

長嶺子

以上二處光緒九年奏請開採十六年奏請封閉

江東荒山子

江西下二台

西南山坡

以上三處道光元年奏請開採現存

江東鍋盔頂子

江西大葦子溝

石碑嶺

泥球溝子

以上四處光緒六年奏請開採現存

吉林通志卷四十一



江東大石頭頂子

亂泥溝子

半拉窩集溝

二道河子

以上四處光緒七年奏請開採現存

江東後二道河子

光緒七年因前審水大無煤咨部封閉奉准部覆移挪於此開採現

存惟前審係何年奏請何處何名原案無存 以上煤礦俱官冊

道光元年正月初六日將軍富俊奏為吉省煤審仍

請開採以裕旗民生計事竊查吉林旗民向係砍木

炊爨嗣因生齒費繁山木愈砍愈遠挽運維艱柴價

昂貴旗民生計拮据臣前任吉林將軍時援照奉天

開採煤審之例於嘉慶二十年奏准開採缸窰田家

屯營盤溝波泥河胡家屯丁家溝煤窰六處每處納

稅銀十七兩零籤掣旗人承領票張試採去後旋因

吉林營盤溝創無煤斤依線尋至營盤溝之西南山坡得

有煤硯臣派員查無關礙咨部給換票張隨於嘉慶

二十一年閏六月間接准部咨內開奉

上諭工部奏駁吉林於營盤溝相連山坡開採煤窰一摺所

駁是吉林前經奏准開採煤窰六處其缸窰等五處產煤

豐旺已足供旗民日用之需至營盤溝一處試採無煤應

照例題請封閉乃於相連之西南山坡換給執照易啟影



射朦混之弊著卽封閉執照繳銷以符定制其缸窰等五處稅銀著於開創之年起納欽此欽遵咨行前來臣因營盤溝一帶村屯甚多附近二百餘里山木砍盡距缸窰等處道路遙遠挽運艱難冒昧瀆請仍於營盤溝之西南山坡開採於嘉慶二十一年間奉

上諭富俊等奏營盤溝西南山坡煤窰仍請照舊開採一摺吉林產煤處所已准開採缺窰等五處其營盤溝一處試採無煤復於相連之西南山坡開採經部議駁降旨令其封閉該將軍等又復陳請開採吉林少此一處煤窰於旗民生計有何妨礙所奏不准行富俊向於公事好固執已

見著傳旨申飭所有西南山坡煤窰仍著封閉不准奸徒私採該將軍毋得再行瀆奏欽此欽遵飭將營盤溝相連西南山坡之煤窰封閉在案賴有缸窰等五處採煤豐旺足資生計臣調任

盛京後缸窰波泥河胡家屯丁家溝四處煤窰均各坍塌出水於嘉慶二十三年經前任將軍松霖具題封閉亦在案僅有田家屯一處照舊開採是年冬臣復調任吉林到任後據承領票張各旗人呈稱缸窰附近之荒山子胡家屯附近之三道溝田家屯附近之下二台等三處均有煤線情願開採納稅等因臣派



員查勘屬實均無關礙開明四至界址於嘉慶二十四年咨請部示續經工部咨覆不准開採當卽示諭封閉在案伏查從前營盤溝一處封閉原無妨礙今復封閉四處僅有田家屯一處不能運遠柴薪日益增價旗民生計未免拮据查

盛京自乾隆四十年開採煤窰行之已數十年旗民樂利吉林未能一體仰沐

天恩未免向隅臣深荷

聖恩俾以地方職司教養事關旗民生計不敢避冒瀆之罪所有該商等呈請開採荒山子等三處暨西南山坡

一處可否准其開採之處謹據實奏聞請

旨如蒙

俞允臣照例將各窰四至清冊咨報查覈仍於開創之年起納煤稅爲此恭摺具奏伏乞

皇上聖鑒訓示遵行道光元年正月初八日奉

上諭富俊奏請吉林開採煤窰一摺富俊從前兩次奏請於營盤溝西南山坡開採煤窰彼時吉林地方已有缸窰等五處煤窰足供採用是以奉

旨斥駁茲據奏缸窰等處煤窰近已坍塌四處僅餘田家屯一處所採煤斤不能及遠旗民日用所需未免缺乏自係



實任情形著照所請荒山子三道溝下二台及西南山坡四處俱准其開採其煤稅於開採之年照例起納該將軍仍嚴密稽查所有承領票張試採之人務各約束安靜如有奸徒藉端生事惟該將軍是問欽此

光緒六年五月十九日將軍銘安奏爲吉林人戶日繁柴薪難繼擬請試開煤窰酌抽釐稅以裕

國課而利民生事竊照吉省旗民各戶向係伐木炊爨溯自嘉慶二十一年經將軍富俊奏准開採荒山子等處煤窰三座收納稅課歷辦有年嗣於同治七年將軍富明阿續請試開火石嶺子等處煤窰七座當

奉戶部議覆以吉林地方伏莽未靖增設煤窰開採之始必多集丁夫其中良莠不齊難以稽查且圍場禁山地脈相通恐於風水有礙奏請一並封閉

臣竊

以爲政在養民不外就地興利事關籌餉尤貴因時制宜近來吉省生齒日繁人煙稠密山木愈伐愈遠挽運維艱價值日昂居民日用所需多受柴薪之累若不開採煤斤以資民用則數十年後柴薪愈見稀少炊爨倍覺艱難本省煤窰只有三座所產無多不足供通省之用

臣前奉

廷諭經費一層該省如有籌辦之處亦應實力籌辦等因



欽此卽以開採煤窰利益民生抽收課稅曾經附奏  
在案正在體察籌辦間於五月初一日准工部咨開  
監生尙宗錡等呈稱查吉省葦子溝等處盡屬荒山  
煤苗透露堪以開採均距省窵遠並無礙於風水情  
願自備工食僱覓本地居民前往開作等語本部未  
便據呈率准相應咨照迅卽委員按照呈稱各處詳  
細查勘等因咨行前來復據本省民人董琦等先後  
具呈亦以試開煤窰照章納課爲請伏思煤窰之開  
下便民生上充

國課利益實屬無窮前任將軍均已籌議及此而戶部  
以地方未靖誠恐奸宄潛蹤藉端滋事奏請封閉所  
慮不爲不周第近來勦辦馬賊大股現已肅清金廠  
渠魁以次勦滅而五方流民謀食遠來勢難盡行驅  
散若使無處謀食仍恐相聚爲盜儻試開煤窰則無  
業窮黎皆可趁工餬口自能化莠爲良於地方似有  
裨益查吉林煤窰納稅舊章每座只收稅銀十七兩  
六錢零八釐現值庫款支絀之時百貨均有釐捐煤  
斤自應照辦擬請勿庸交納舊定稅額仿照現辦釐  
貨章程其賣中錢一吊抽收一十文所取無多該商  
斷無不從之理如果煤苗暢旺自必稅課豐盈不但



火食有賴柴價自平商民同霑樂利而抽收稅課亦可稍濟餉需如蒙

俞允再由臣等遴派妥靠委員分赴各處詳細查勘果係煤苗透露堪以開採於圍場處所禁山風水均無妨礙擬飭將煤窰四至繪圖呈遞再當妥議章程奏明辦理奉

旨知道了著照該將軍等所請試行開採惟當認真經理毋任滋生事端一切詳細章程仍著妥議具奏欽此

七年二月初七日將軍銘安奏為試開煤窰酌擬抽收釐稅章程事竊臣等前因吉省經費支絀擬請試

開煤窰抽收釐稅以裕餉源於光緒六年五月十九日具奏奉

旨知道了著照所請等因欽此臣當即遴員分往各處查勘去後旋據知府周炳參領富魁查明石碑嶺大葦子溝二處同知毓綬防禦德祿查明杉松之泥球溝子一處同知芝慶雲騎尉慶徵查明鍋盔頂子一處雲騎尉恩永查明柳樹河子一處均各顯露煤線煤苗豐旺堪以開採且與禁山廬墓風水毫無關礙取具山主四鄰情願招商甘結繪圖貼說加結具報前來臣等當派協領富爾丹知府劉光煜等秉公招商



詳擬抽釐稽查章程茲據稟稱酌擬按照具呈招得商民李萬福等承採石碑嶺煤窰張際庚承採大葦子溝煤窰楊茂齡承採杉松之泥球溝子煤窰田柏州承採鍋盔頂子煤窰尙昌荏承採柳樹河子煤窰共新添五座連舊有三座共煤窰八座查吉省煤窰納稅舊章按年每窰僅收稅銀十七兩六錢零八釐此外別無輸納現存籌餉之際擬請舊窰停納稅銀與新窰一律抽釐以二分爲額如賣中錢十吊納釐稅錢二百文買賣各出錢一百文其買主應納之錢責成該窰就近扣留以歸簡易卽於開創之日起徵由工司發給新舊各窰蓋用關防大小賬簿用完許其隨時赴司關領不准私立帳簿以免蒙混如有前項情弊及偷漏等事一經查出從重懲辦其經理抽收釐稅及隨時查覈等事應委委員設局經收以專責成而免遺漏請派協領一員會同工司掌關防協領總司其事再派佐領防禦筆帖式等官承收釐稅至於冬令煤斤暢行之時卽派該佐領等前往各窰巡查帳目所收錢文按春秋兩季彙總交庫惟旣設局承辦該官吏等日需工食心紅擬請仿照吉省釐稅章程提出一成作爲官吏心紅工食其九成存庫



以備提撥所招承採商戶均係土著殷實陳民取有  
切保惟煤窰聚集挖夫人數眾多非商人所能約束  
應札飭總理等官稽查彈壓如該煤窰工恃眾滋事  
卽將該商執照追繳另招承採等情稟覆前來臣等  
詳覈該協領等所擬章程尙屬妥善卽派花翎協領  
富爾丹掌工司關防二品頂戴花翎協領金福總司  
其事督飭佐領筆帖式等認真稽查照新章抽收盡  
數呈交已於光緒六年十一月十八日出示曉諭日  
起新舊各窰一體遵照新章交納釐稅如此量爲變  
通較之從前定額奚啻倍蓰似於餉項不無小補艱  
辦之初稅收多寡難以豫定擬俟試辦二年後體察  
情形再行酌定正額奏明辦理臣等仍不時密派妥  
員周歷巡查儻有影射偷挖鉛礦等弊將該商照例  
治罪卽時封閉以昭慎重奉

旨該部知道欽此

七年八月十二日將軍銘安附奏再前因吉省經費  
支絀擬請試開煤窰抽釐裕餉當經酌擬釐章奏明  
招商試開石碑嶺等五處煤窰暨酌改舊有煤窰從  
前課章與新添煤窰一律派員稽查抽收釐稅等因  
在案茲據商人徐維明等呈稱續報大石頭頂子等



五處均有煤線堪以開採等情當即派員分往各處  
勘驗去後旋據防禦春和查明大石頭頂子煤窰一  
處同知李喬林佐領占祥等查明陶家屯亂泥溝子  
煤窰二處知縣傅楨防禦春和查明二道河子煤窰  
一處均各顯露煤線堪以開採與禁山風水實無關  
礙取具山主四鄰情愿招商甘結繪圖貼說加結具  
報前來臣即飭總理煤釐事務協領富爾丹掌工司  
關防協領金福酌覈招商茲據稟稱招得商人徐維  
明承領大石頭頂子煤窰張福永承領陶家屯煤窰  
董起發承領亂泥溝子煤窰劉運符承領半拉窩集

溝煤窰韓受德承領二道河子煤窰所招商民均係  
士著殷實陳民取有切保等情稟覆前來臣查吉省  
煤窰新陳八座連今續添煤窰五座共有十三座所  
有續添試採煤窰稽查抽釐等事前既擬定章程自  
應統照新章一律辦理奉

旨知道了欽此

九年正月二十四日將軍銘安附奏再前因吉省經  
費支絀擬請試開煤窰抽釐裕餉當經酌擬釐章奏  
明招商先後試開石碑嶺大石頭頂子等十處煤窰  
既酌改舊有煤窰三處從前課章與新添煤窰一律



派員稽查抽收釐稅等因在案茲據商人劉振東尙  
宗錡具呈續領荒山子長嶺子二處煤窰均見煤線  
堪以開採等情當卽派令縣丞繆誦芬佐領花里雅  
遜勘驗荒山子候補巡檢高曾蔭騎都尉德凌阿勘  
驗長嶺子等處去後旋據稟稱該二處煤線顯露堪  
以開採與禁山風水實無關礙取具山主四鄰情願  
招商甘結繪圖貼說加結具報前來臣卽飭總理煤  
釐事務副都統銜花翎協領富爾丹掌工司關防二  
品頂戴花翎協領金福等酌覈招商茲據稟稱續招  
商民劉振東承領荒山子尙宗錡承領長嶺子等二  
處煤窰均係土著殷實陳民取有保結等情稟覆前  
來臣詳查吉省舊有煤窰三座先後續開十座內有  
陶家屯張福永呈報無煤另行照例題封外連今新  
添煤窰共十四座所有舊有續添試採煤窰稽查抽  
釐等事仍照前擬成章一律辦理除將原查煤窰委  
員送到甘結及商人年歲籍貫咨報戶工二部查照  
外所有續行試開煤窰照章抽釐緣由謹附片陳明  
奉

旨知道了欽此

以上俱摺檔

本省奏准商領開採煤窰按年春秋兩季派官二員



分往江東江西兩路各窩抽收煤稅照依官發賣煤  
帳簿覈算每一吊錢抽收稅錢一十文其每季抽收  
釐稅數目移交戶司歸庫工司官册

吉林通志卷四十二

經制志七 商務

通商局光緒十一年設專司吉林與朝鮮通商之事  
稍改市易舊例准其隨時交易以示優待屬國之意  
所定貿易章程與各國通商章程兩不相涉以事體  
本不同也局在琿春城西南二百五十五里和龍峪  
地方俗呼大砬子南接朝鮮會甯府界圖們江派員督理  
商務督理委員一隨員一原設二員朝鮮通事二名原設  
英文繙譯一俄通事一均聽差六名  
裁朝鮮通事原設一後增  
光霽峪分卡在圖們江北岸南接朝鮮鍾城府距琿



春城二百餘里司事一名原設司事通事一名聽差

四名原作廳差

西步江分卡在琿春城西二十里西界朝鮮慶源府

接俄新界司事一名原設司事通事一名聽差四名外有委員

兩國邊界敦化縣南與會甯鍾城琿春與慶源互相

往來貿易其稽察之事各按邊界定律辦理通商章程第一

條

如有商民欲入內地採辦土貨以及游歷者可照天

津所定章程第四條辦理惟欲西入奉省較近

祖

宗陵寢重地東入俄者概不准填給執照並不准由本國地

方私結他國商伴至開市地方違者嚴懲第二

甯古塔與會甯庫爾喀與慶源市易舊例一律停止

此後貿易均照新定章程辦理第三

徵收稅課除紅蕩外均值百抽五只交納正稅一次

均不重徵子稅貨物報關驗單照章納稅不得額外

需索商民出入驗照放行不准稍有阻難第七

商民貿易使用金銀應與隨身衣服行李筆墨書籍

所騎馬匹均准免稅砂金礦銀入市銷售原同貨物

與葉金條金飾寶銀定銀碎銀等項為市間行用



例得免稅者不同應按值百抽五照章納稅吉省亦照奉省辦理惟琿春及慶源各城民間購買物件多不用錢而用小布與錢無異如非車載駝運每捆百匹者免稅第八

朝鮮商民欲入吉省採辦土貨先由地方官給發執照由稅局按照蓋用關防加給護照吉林商民亦用此例執照內均先聲明何處地方何項貨物出關入關時呈單查驗蓋用戳記如攜帶私貨查出入官第十洋藥土藥與軍器嚴禁販運售賣違者照天津章程辦理朝鮮紅漫例准帶入中國吉林民種秧漫亦經

本省奏明與藥材併准徵收稅課運販他處此項秧漫運販出關與紅漫一律辦理按價值百抽十五貂及狝猯獾等皮舊例禁止現在開禁以通一時有無其餘蔬菜瓜果鷄鴨鵝魚以及瓦木零星器具民間日用所需照奉天一律免徵第十三按原定章程十六條今節錄

光緒十年通商大臣李鴻章吉林將軍希元奏竊維吉林與朝鮮商民貿易章程前經臣等覈定會奏已由總理各國事務衙門戶禮部會議覆奏奉

旨依議欽此欽遵當即陳明候將刷還流民及酌撥防軍一切事宜議定後派員前往開市貿易以昭慎重近



據琿春副都統依克唐阿咨報俄人與朝鮮有陸路通商之議朝之慶興府與俄鎮兩處人民彼此往來蹤跡甚密等因朝鮮向來孱弱近因國中滋衅曾爲日人所逼今俄又設此謀以暗撤朝鮮之門戶恐該國受其愚弄貪一時小利貽他日隱憂此其漸不可不防爲今之計惟有將吉林與朝鮮通商事宜亟爲舉行於招攜懷遠之中寓先發制人之意庶可以阻敵謀而定民志臣等往復咨商意見相同自應遵照前次奏定章程派員督理商務以專責成

詔從之

又奏吉林與朝鮮互市貿易前經議定通商條款勘明朝鮮會甯府對岸和龍峪設立總局慶源府對岸西步江爲琿春所屬毘連俄界設爲分局又鍾城對岸光霽峪設爲分卡揀派委員督理商務先後由吉林將軍會奏聲明該局卡每年應用經費由臣另行具奏在案茲准吉林將軍咨稱和龍峪等處通商非若奉省中江關與朝鮮義州相近者可歸地方官兼轄必須多派員役稽查且地接俄界時有函牘往來亦應酌用繙譯通事今擬和龍峪總局用督理委員一員隨員二員英文繙譯一員朝鮮俄羅斯通事各



一名司事四名書識二名聽差六名西步江分局委員一員司事二名書識一名通事各一名聽差三名光霽峪分卡委員一員司事通事書識各一名聽差二名刊發總局木質關防分局卡木質鈐記各一顆以昭信守其委員繙譯通事司事聽差應給薪水工食暨新設局卡應各修建房屋並各造大號渡船一隻需款浩繁吉林無款可籌咨請查照前案由臣覈奏等因前來臣查和龍峪等處甫經創辦商務地方荒僻百物昂貴迥非內地可比且時有與朝鮮俄羅斯交涉事件一切因公支應難以預計查原訂朝鮮

貿易章程載明商務委員應用經費歸於自備從前館宇餼廩芻糧迎送等費悉予罷除既已禁其供億自應從寬酌給薪費以資辦公除應行建造局卡房屋渡船雇用水手置備器具等項據該將軍咨稱擬由吉省公款內先行借墊銀一萬兩發交督理委員承領估辦俟事竣覈實造報外所有委員繙譯等項薪水工食應由吉林將軍覈定數目給領分咨查照其心紅紙張及一切因公用款應由督理委員撙節動支按年造冊詳請將軍咨報總理衙門覈銷此項經費吉省既無另款可籌應請援照朝鮮商務委員



成案暫在出使經費內動用就近由山海關按結在洋稅應解出使項下滙撥銀三千兩解由吉林將軍就款覈實樽節支發按年奏銷仍俟試辦三年後彙覈所收進出口稅項能否足敷各局卡用度不致再動出使經費屆時察酌情形會商具奏

十四年通商大臣李鴻章吉林將軍長順奏吉林與朝鮮互市貿易於和龍峪西步江光霽峪分設局卡派員經理應需經費前經<sub>臣</sub>等奏准由山海關出使經費項下按結撥銀三千兩聲明俟試辦三年後彙覈所收進出口稅能否足敷局卡用度再察酌情形會

商具奏等因嗣戶部以該局卡自光緒十一年十一月開徵起連閏至十三年六月計一年零八箇月僅收稅銀一千一百餘兩是一年收數不敷一月之用應否令該省將薪水等項覈實刪減抑或准其照舊辦理咨由總理衙門轉咨到直業經<sub>臣</sub>商准吉林將軍擬於十四年七月起每結刪減銀八百兩咨覆總理衙門在案茲又准吉林將軍咨轉據吉朝商務委員稟稱吉朝通商原擬俟刷還流民酌撥防軍再行舉辦旋因俄人與朝鮮有陸路通商之議慶興府與俄鎮兩處人民往來甚密是以亟設局卡藉可杜漸



防微該處皆曠野空山時有盜賊出沒朝鮮關北一帶地方因之不靖自經設局聯絡朝員梭巡稽察匪類斂跡凡遇無告窮黎量力安置韓民入我境者儼有樂郊樂土之思其交涉事件亦無不推誠布公和衷商辦至越墾韓民爲數既眾往往與華民爭墾互毆局員平其曲直使彼此息忿否則怨不在大積久易滋事端琿春敦化遠在三五百里以外若非該局就近撫馭實無以安民心而弭隱患惟和龍峪一帶人煙稀少居民貧苦異常朝鮮沿江各府更無富商大賈是以貨物銷售有限稅收不旺現值該局試辦

屆滿所收稅數如此微細就目前而論似非裕財之道就久遠而論實亦撫治邊陲維繫韓人之策所有商務經費擬奏明展限三年俟將來人民富庶稅務振興再截止出使經費等因前來臣查吉林和龍峪一帶分設局卡本欲羈縻韓民非爲多收稅項若遽裁撤恐於時局有礙現既彙覈稅項不敷局卡用度自應將需經費展限三年仍由山海關按照刪減數目每結解交銀二千二百兩樽節動用俟限滿能否就稅項挹注再行察酌辦理以上據檔案



吉林通志卷

經制志八 征權

吉林城

菸酒總局一木稅總局一均在城內由將軍各派員

經征 隨時揀派 菸酒木稅分局四一伊通河一岔路

河一雙陽河一法特哈門 至冬於伊通門河南屯水

成店永河屯小河台袁家大橋各扼要 地方派役巡緝以防偷漏春盡則撤

稅額 菸酒額征稅銀二萬八千兩木植額徵稅銀

三千七百兩 原係吉林廳經征光緒四年改由將軍衙門經征 照章除經徵

員役公費銀一成實應交菸酒木稅銀二萬八千五



百三十八兩零按年造冊覈銷

冊報後凡似此者不悉注

將軍銘安奏吉林廳向有徵收菸酒木稅舊額爲數少而盈餘多公私酬應悉出於此同治四年加增額徵銀三萬一千七百兩議定提銀八千兩爲該廳公費立法本周無如積欠則實去名存每年公費除供給將軍副都統規費及酬應各司外疊有虧累弊端叢生致稅課日絀亟應變通以昭覈實擬將菸酒木稅改歸將軍派員經征從之

摺檔

吉林雜稅舊志原係甯古塔旗員徵收雍正五年設永吉州管理儘收儘解每年徵收牛馬牙當稅銀一千二三百兩不等木稅銀三百二十餘兩不等乾隆十二年裁永吉州改歸理事同知徵收十六年准將軍卓鼐奏每年雜稅以一千六百五十兩木稅銀以三百七十兩爲定額三十年將軍恆魯奏定每年雜稅徵銀一千七百八十兩木稅額徵銀三百七十兩田房稅契無定額儘徵儘解四十四年將軍福康安奏吉林加增斗秤又吉林黃昏燒酒至百斤以上運往他處售者令其納稅未有定額

盛京通志口十口

土稅總局在城內咸豐五年設由將軍派員經徵土稅

隨時揀派無專員

南城子分局一伊通門馬家頭台小河



台放牛溝河南屯分卡五

土稅額徵市錢二萬八千吊同治四年奏定照章除員役工

食計錢四千二百吊實應解市錢二萬三千八百吊光緒十二年以

銀價折核銀數如有盈餘儘徵儘解

稅則 牛鹿筋每十斤稅銀一錢一分三釐三毫 鹿

角每十斤稅銀二分八釐三毫 芝蔴每斗稅銀八釐七

毫 青靛每百斤稅銀五分 線蔴每百斤稅銀八分五

釐 麻每百斤稅銀四分二釐 豆油蘇油蔴油每百斤均

稅銀三分四釐 牛油每百斤稅銀九分九釐九毫

瓜子大鹽每百斤均稅銀八分五釐 花蔴每十斤稅銀四

分二釐五毫 榆蔴每十斤稅銀八分五釐 凍蔴每百斤

斤稅銀一錢四分二釐 木耳每十斤稅銀五分二釐

二毫 雜魚每十斤稅銀八釐五毫 魚骨每斤稅銀二

分八釐三毫 鱓肉每十斤稅銀二分八釐三毫 海

參每十斤稅銀一錢四分二釐 海茄子每十斤稅銀二

分一釐三毫 海菜每百斤稅銀五分六釐七毫 鹿

茸虎骨每價錢一吊均稅銀一分四釐二毫 豹皮每張稅銀

一錢二分一釐 水獺每張稅銀九分一釐八毫 狐

皮貉皮每張均稅銀二分三釐八毫 狼皮每張稅銀三

分 貂皮每張稅銀二錢八分七釐 虎皮每張稅銀九



分九釐三毫 獾皮每十張 稅銀四錢二分二釐五毫  
 羊皮每十張 稅銀八分五釐 狗皮每十張 稅銀五分七釐  
 騷鼠皮每百張 稅銀二錢四分七釐八毫 灰鼠皮每百張 稅銀一錢一分四釐 土麪每斤 稅銀二分八釐八毫 煙膏每價錢一吊 稅銀五釐七毫  
 咸豐九年將軍景淳奏前准部咨令照南省捐釐章程各就地方情形酌量試辦當以吉林地僻商艱捐匪易經司事各員變通籌畫權將部頒空白執照勸令鋪商攤捐在案伏思軍務未竣撥餉孔艱現在本省挑備餘丁五百名一經奉

旨調發即應撥給軍裝器械並資恤其家兼以委員查界供給添撥兵丁閑散操演巡防所需用項為數甚鉅前因庫藏空虛曾飭各屬勸捐稍資接濟無如出多入少莫解燃眉因思吉林各處除菸酒牲畜木植當商向有例稅其餘山海所出土產均無課程臣擬照南省捐釐之法暫借商力揀擇土產大宗酌量抽捐其物之瑣細而無幾者概置不論刻屆冬令正值商販往來之際宜及時舉行現在省城設局派員總司其事並咨劄各處妥為勸導商民暫行試辦或可濟一時之乏云云摺得



旨著照擬試辦查看情形有無裨益再行奏明

東華續錄三十四

光緒十七年將軍長順奏吉林應徵土稅原以山海土產三十六宗按則收稅其中油蔴青靛等物均因歉收少出尤爲減稅大宗全賴蕩茸皮張以補稅額無如東山山海所產多由海參崴海運南行卽荒地開墾野牲難藏稅額遞見少收市肆蕭條商販星稀無論如何儘力徵收恐難足額云云

摺檔

官蕩局不知起於何時在局子街

街因局名

歲由將軍派

員經理蕩事凡燒鍋票課向例由局徵解以抵俸餉定額吉林長春票一百五十張伯都訥三十二張阿勒楚喀拉林雙城賓州四十張每票納課市錢七百二十吊五常廳琿春之南岡吉林之邊荒小燒鍋光緒十三年戶部議定每筒歲納課銀二百兩

道光十年十二月

諭內閣福克精阿奏酌擬辦理吉林甯古塔卧票蕩價銀兩

一摺吉林甯古塔蕩票內有卧票向例令攬頭等於年前先交官蕩俟來春蕩商購買餘蕩時抽收銀兩茲據該將軍查明道光八年吉林卧票因無蕩商前來購買攬頭等又不能及時交納飭令赴蘇售賣以致輾轉拖延始歸原款本年甯古塔卧票三十六張蕩價銀八千一百三十六



兩已照新改章程豫爲發給其吉林卧票一百十五張自未便先行發給以致再有遲延著照所請除甯古塔卧票業經發給攬頭外其吉林本年卧票仍照向例令攬頭等於年前先交官漫俟來春漫商起程時一面發給漫價卽便抽收漫餘歸款以重庫項

訓三十八 聖

咸豐七年四月己丑

諭軍機大臣等景瀄奏燒商無力交納票錢現均關閉請旨遵辦一摺吉林燒商交納票錢自停漫以來藉以抵充俸餉近年鋪家較少票錢轉增以致商力拮据難以交納若竟聽其關閉則應支俸餉既恐無著而糧食以停燒壅滯

於農民生計亦有妨礙自不若將票錢減歸原額於官民均有裨益惟該商民日形寥落減收之後能否無誤輸將著景瀄督飭廳員體察情形如果諭令復業於原額十萬八千吊之數不致再有短缺卽先行曉諭該商仍行復業嗣後應如何酌收票錢以舒商力之處著景瀄妥議章程具奏

東華續錄 四十四

釐捐總局在城內由將軍派員經辦

初由商人包納後設局征收

貨釐捐額收市錢八萬吊各城及府廳州縣合收市錢十五萬二千吊

分詳各城及府廳州縣下議定歸入俸餉造冊核銷



光緒五年十一月將軍銘安奏練兵必須籌餉裕

國尤在便民綜核吉林進款大宗除地丁荒租雜稅外  
有鋪商日釐捐起於咸豐七年按各商等次逐戶派  
捐城市一月彙交村鎮兩季分納統計每年捐錢九  
萬餘吊嗣因商旅蕭條原額遞虧光緒三年吉林長  
春僅收三萬三千餘吊較原額虧三萬五千六百餘  
吊各城亦復虧減無從賠補臣體察情形與其拘守  
舊章何如變通盡利去年秋間派員先將省城長春  
兩處原有日捐改照各商賣貨錢數按每吊抽收釐  
捐錢一十文作為貨釐各外城亦分別勸辦奏明試

收在案旋經商民呈請按照釐捐抽收六七釐章程  
辦理等情請減前來臣思更章伊始總期於商無損

於稅無虧方能行遠因即改為七釐准按每賣錢一  
吊抽收七文令各就地方情形酌量辦理現計通省  
每年約可收錢二十四萬餘吊較從前原定之額增  
至一倍有餘較近年收捐之數增至數倍不止摺  
四釐捐光緒十年議定於貨釐捐外暫抽四釐充寶  
吉局鑄錢經費通省歲收捐錢十二萬吊有差款歸  
外結不造冊報

漫稅局在迎恩門外由將軍派員經征隨時揀派  
無專員



蕩藥稅額征市錢一萬八千吊照章除員役工食計百七千實應解市錢一萬五千三百吊

光緒七年五月銘安奏竊臣前因籌辦經費安插流民諸事擬請弛禁秧蕩與諸草藥分別抽收稅課以除積弊而裕餉源等因具奏奉

諭銘安奏稱請准將秧蕩諸草藥酌收稅課等語吉省所產秧蕩既與老山蕩迥異且匪徒因之爭訟原不妨變通辦理以除積弊而裕餉源著銘安遴派廉幹之員將秧蕩及諸草藥稅課體察情形妥議章程奏明試辦務須詳細籌畫勿滋流弊欽此遵卽遴派廉幹協領設局

試辦旋據稟稱吉省土產秧蕩草藥甚夥如按藥料之貴賤定稅課之重輕或抽十分之一或抽百分之二可免商民苦累永遠奉行秧蕩獲利較多擬每售市價一吊抽收稅課錢一百文黃著黨蕩細辛等二十二種價植本賤獲利亦微擬每售市價一吊抽收稅課錢二十文每年徵收若干於次年春間造報解庫並照吉省徵收土稅章程按一五成扣除人役工食免其造冊報銷等語臣等悉心查覈所擬均屬允當批令遵照試辦伏念弛禁秧蕩原爲安商民之生業編查營戶實以稽盜匪之窩逃化私爲官於餉項



不無小補興利除弊於地方可望久遠遂令內外城  
凡有山塲地面按界清查營戶人數統令赴局承領  
執照以便抽查並出示嚴禁偷挖老山蕩枝及嚴防  
藥貨繞越隱漏等弊各在案吉省盜風素熾近年以  
來大股雖已肅清而地闊山多伏莽仍復不少此次  
將種蕩各戶令其陸續報明既奉功令之章程何畏  
奸民之挾制逋逃所至容隱已難至查禁老山蕩枝  
於編查蕩營搜拏餘匪之際更當密益加密嚴之又  
嚴自可杜絕偷挖不致別滋流弊有裨治理足慰  
聖廑茲據蕩藥稅局委員等報稱自上年十月開徵之日

起截至十二月底止共收稅錢一萬零七百三十吊  
零二百八十文循照土稅章程扣除一五成人役工  
食錢一千六百零九吊五百四十二文應存稅課錢  
九千一百二十吊零三十八文除此次採辦呈

進蕩枝需用工價市錢一千四百零七吊外實存市錢  
七千七百一十三吊七百三十八文如數解庫以濟  
經費云云又奏言秧蕩草藥數在百兩以上者飭令  
報明納稅孤客小民攜帶不及百兩者非販賣可比  
免其起票納稅云

摺檔

煤釐光緒七年將軍銘安奏准以二分抽釐初乾隆



四十五年議請試採產煤山場奉部咨駁嘉慶十九年將軍富俊奏照奉天煤窰試採章程每座歲納課銀十七兩六錢八分自是吉林遂有煤稅而歷年稅課之盈絀產煤之衰旺年遠無可稽銘安蒞吉講求裕餉之源至是遂有開煤窰以抽釐事其疏曰選員查勘石碑嶺大葦子溝杉松之泥球溝子鍋盔頂子柳樹河子五處均各顯露煤線煤苗豐旺堪以開採且與禁山廬墓風水毫無礙擬卽准由商民開採其抽釐稽查章程查吉省煤窰納稅舊章按年每窰僅收稅銀十七兩六錢零八釐此外別無輸納現在

籌餉之際擬請舊窰停納稅銀與新窰一律抽釐以二分爲額如賣中錢十吊納釐稅錢二百文買賣各出百文於開採日起徵工司發給新舊各窰蓋用關防大小帳簿用完隨時關領不准私立帳簿如有情弊查出懲辦其經理抽收釐稅及隨時查核等事應委委員設局經收所收錢文彙總交庫至官吏工食擬請仿照釐捐章程提出一成九成存庫以備提撥如此量爲變通較之從前定額所增奚啻倍蓰似於餉項不無小補云

詔可初年徵錢三千一百五十五吊有奇八年征錢二千



七百三十四吊九年征錢一千九百六十九吊十一年征錢一千九百五十吊零十年征數未據冊報十二年征錢二千八百八十五吊零十三年征錢二千六百九十八吊零十四年征錢三千二十八吊零十五年征錢一千五百八十五吊零十六年征錢二千一百五十八吊零十七年征錢一千四百四十五吊零十八年征錢二千二百十吊零

洋藥捐輸局在城內由將軍派員經征洋藥捐

洋藥捐歲收銀四千四百七十三兩三錢六分

洋藥稅征市錢一千五百八十五吊

以上共征菸酒木植稅洋藥捐銀三萬三千零零三兩三錢六分征土稅蕩票蕩藥稅洋藥稅釐捐四釐捐煤釐捐錢二十四萬二千八百九十五吊

光緒十七年將軍長順奏奉

諭總理各國事務衙門戶部奏整頓土藥稅釐請飭詳查妥辦一摺內地栽種土藥爲中國出產大宗前據該衙門會奏請飭各省體查情形酌量加稅當依議行誠以洋藥充斥久爲中國漏卮近年以來民間栽種日多獲利甚重駸駸有不可復遏之勢果能設法稽徵認真辦理既可裨益餉需且亦收獲利權之一助並可以徵爲



禁隱寓崇本抑末之意乃各省先後覆奏多以窒礙爲辭數年之久迄無切實辦法近聞吉林黑龍江呼蘭熱河及四川雲南江南徐淮等處土藥出產日繁各該省局卡徵收稅項官吏隱匿入己爲數甚鉅弊端百出盡飽私囊以致徵多報少於國課毫無裨補著卽詳查各該省地方情形或於出產之處就地徵收或於販運過境嚴查走漏或卽就現在私收之項和盤托出悉數歸公均由該將軍督撫等秉公嚴查詳細籌議欽此遵查土藥一項前准戶部議准推廣洋藥捐輸行令不分洋土藥一概發給華商行坐部票收捐助餉當經查

明吉林情形不同酌擬變通於原定土藥每十斤捐銀二兩之外量加一兩二錢以抵坐票捐課卽由本省刊發行票鈐用印信派員試收於光緒十一年七月二十日奏准又以洋藥零星銷售應照奏定新章每百斤抽收捐銀八十六兩毋庸再收票捐亦由本省發給行票以歸簡易奏准通行此吉林徵收土藥原定辦法也自光緒十一年五月初一日試收起至是年年底止共收銀二萬五千零七十五兩十二年分收銀三萬六千六百五十兩十三年分收銀二萬八千三百八十九兩零十四年分收銀一萬六千四



百七十一兩零十五年分收銀一萬五千八百五十  
一兩零此定章後按年收捐實數也查稅課衰旺本  
以出產多寡爲分吉林土藥每年究出若干從未切  
實查明此次派員分查後據覆五城副都統所屬旗  
民栽種罌粟地共四千一百九十一晌五畝三分民  
署所屬地方並雙城五常兩堡及拉林額穆赫索羅  
等處共地二千八百五十一晌六畝七分統共查得  
地七千零四十三晌二畝以每餉出藥八九斤計之  
每年可得六萬三千餘斤以每百斤收捐銀三十二  
兩計之每歲捐銀應在二萬兩上下伏思理財之道

總期有益於

國無損於民方爲盡善總稅務司赫德所擬辦法施之  
印度則稽核甚便施之吉林則被累難堪且其所定  
稅銀以洋藥章程徵收土稅亦嫌過重因地制宜大  
端不外乎嚴緝走漏杜絕中飽之弊初不必酌增捐  
數致病商民擬請酌添分卡專查偷漏繞越並請將  
落地稅量予加增每賣價市錢一吊抽收稅錢三十  
文與捐銀一併儘徵儘解以濟餉需云云

捐檔

烏拉城

貨釐捐額收市錢一千吊

商人包納



以上征貨釐捐錢一千吊

額穆赫索羅地方

土稅局由佐領派員經征土稅

南岡分卡一併入省地總局報解

五常堡

稅課局在堡城由協領派員役經征土稅

土稅額征市錢一千零八吊照章除員役工食計

百六十實應解市錢九百十八吊

貨釐捐額收市錢一千二百吊

洋藥稅額征市錢十八吊四百九十八文

洋藥捐額收銀四十一兩三錢五分

以上共征洋藥捐銀四十一兩三錢五分征土稅洋

藥稅貨釐捐錢二千一百三十六吊九百四十文

甯古塔城

稅課局在城內由副都統派員役經征

雜稅額征銀一千六百十三兩七錢一分二釐八毫

當課額征銀十二兩五錢每當鋪一家額徵銀二兩五錢

鹽稅額征市錢二百四十五吊六百七十文

油稅額征市錢五百六十八吊四百八十八文

燒鍋票稅額征市錢一萬吊



洋藥稅額征市錢八十九吊零七十七文

洋藥捐額收銀二百十四兩零二分

貨釐捐額收市錢四千一百吊

以上共征雜稅當課洋藥捐銀一千八百四十兩二

錢三分二釐八毫征燒鍋票稅油稅鹽稅洋藥稅貨

釐捐一萬五千零三吊二百二十八文

甯古塔雜稅有獲票之年徵收四百兩無獲票之年

徵收二百一二十兩不等乾隆十六年准將軍卓鼐

覆奏有票之年以四百五十兩為定額無票之年以

二百八十兩為定額二十八年將軍恒魯奏增斗秤

當店牙行木植等稅三十年奏定牲畜牙行雜稅有

獲票之年額徵銀九百十二兩無獲票之年儘收儘

解額徵銀一百五十八兩

盛京通志口十口

伯都訥城

稅課局在城內由副都統派員經征土稅

孤榆樹分局

土稅額征市錢一千四百吊

原額九百吊光緒八年征如今額

照章

除員役工食

計二百十吊

實應交市錢一千一百九十吊

初由商人包納廳官征解光緒八年歸旗署經征如數解庫冊報將軍衙門

備用



魚稅額征銀一百二十兩南江魚網二處北江魚網四處每魚網歲納課銀二兩十

乾隆二十九年議准吉林伯都訥地方魚網十八張每網一張徵稅銀二十兩拉林地方魚網十張蒙古等魚網十二張作為閒散滿洲並蒙古乾糧不收稅銀俱立定限界不得逾越打魚違者治罪魚網入官變價會典事例一百九十五按魚網現有六張較原定時少十二張未知何時裁貨釐捐額收市錢五千一百吊

洋藥稅額征市錢五十三吊二百三十六文  
洋藥捐額收銀一百十七兩六錢八分

以上共征魚稅洋藥捐銀二百三十七兩六錢八分  
征土稅貨釐捐洋藥稅錢六千三百四十三吊二百三十六文

乾隆元年裁汰長甯縣將牛馬稅務改歸副都統衙門徵收每年一百二三十兩不等十六年准將軍卓鼐覆奏雜稅以二百零七兩為定額若遇多徵儘收儘解盛京通志口十口按牛馬雜稅光緒七年改歸廳官征解三姓城

稅課局在西門外由副都統派員經征雜稅土稅  
雜稅額征銀八百二十七兩七錢二分五釐照章除



員役工食計一百二十兩零實應解銀七百十四兩八錢五

分一釐款存司庫冊報將軍衙門備用店稅當稅秤稅斗稅歸入

雜稅併徵

乾隆三十二年奉部議准三姓准照阿勒楚喀拉林

抽課章程三十五年議准三姓地方徵收木稅每年

以一百二十八兩作為定額會典事例七百十赫哲費雅喀

乾隆四十四年將軍和隆武奏進過餘贖紹皮在

京城銷售者照例由崇文門收稅其攜往

盛京售賣者即在本地方令其納稅所收稅銀俱歸入雜

稅項下報部俟試徵一二年後再行定額盛京通志口十口

按貂皮稅銀據冊報額定一百八十四兩八錢歸入雜稅項內

土稅額征市錢四千九百零九吊七百零九文照章

除員役工食計九百七十四吊四百六十八文實應解市錢三千九

百三十五吊三百二十二文光緒十一年議定以三

價交納遇閏加銀一兩咸豐四年初征以錢三千五百零九吊

零為額光緒四年加征如今數

稅則詳見前

護江關稅局在城東三十里巴彥通由副都統派員

經征松花江下往商船貨物照土稅征收

光緒六年將軍銘安幫辦吉林事宜吳大澂奏請吉



林三姓地方擬就新設之護江關設局分別抽收釐稅等因一摺奉

諭銘安等奏三姓擬就水關抽收釐稅自爲因時制宜起見卽著飭令派出之員審慎辦理酌收稅項不必抽釐且重在稽查不重在收稅不可徒滋擾累欽此

護江關額征市錢四千五百吊照章除員役工食計六百七十實應解市錢三千八百二十五吊款存司庫册報將軍衙門備用

洋藥稅額征市錢二十吊零一百八十四文文關章洋藥捐額收銀四十五兩一錢七分

貨釐捐額收市錢二千吊

以上共征雜稅洋藥捐銀七百五十二兩八錢九分五釐征土稅關稅洋藥稅貨釐捐錢九千七百八十二吊零四百二十五文

道光四年四月

諭內閣富俊奏籌議散放三姓蕩票一摺吉林三姓地方額定蕩票從前因每年放不足數將額票十三張移撥琿春試放以致甯古塔放票情形拮据辦理本未平允嗣經富俊奏准將前票仍歸三姓散放後復有議給津貼名目第各城票張不少若紛紛效尤成何政體嗣後著責成承辦



濩務之員將額票全數散放不得藉詞接濟希圖津貼至該處出產貂皮各商先往承買若在吉林完納稅銀程途較遠易滋偷漏著准其就近在三姓副都統衙門納稅領票進關售賣其稅銀卽存貯副都統衙門庫內抵充該處官兵俸餉該副都統仍嚴加稽察儘收儘解咨報該將軍查覈俟試收三年再以多收年分定爲稅額如有任意勒指浮收卽著嚴行懲辦

訓三十七 聖

### 阿勒楚喀城

稅課局在城內由副都統派員經征土稅

### 賓州廳分局

至冬於蜚克圖色勒佛特庫扼要地方巡緝春盡則撤

土稅額征市錢六千八百吊照章除員役工食

計一千零

二十實應解市錢五千七百八十吊

貨釐捐額收市錢一萬一千吊

四十八文

洋藥稅額征市錢三千三百二十五吊五百九十文

洋藥捐歲收銀七千五百六十三兩六錢四分

以上共征洋藥捐銀七千五百六十三兩六錢四分

征土稅貨釐捐洋藥稅錢二萬零一百零五吊五百九十文

阿勒楚喀拉林乾隆二十八年設稅務三十年將軍

恆魯奏准額設牛馬稅銀二百一十兩四十四年將



軍福康安奏設斗秤當帖稅銀未有定額盛京通志口十口

按牛馬稅斗秤當帖稅光緒八年設廳後歸賓州廳徵解

雙城堡

稅課局在堡城由協領衙門派員役經征土稅

土稅額征市錢二千二百四十吊照章除員役工食

計三百三十一吊實應解市錢一千九百零四吊

貨釐捐額收市錢一萬二千吊

洋藥稅額征市錢十八吊九百四十八文

洋藥捐歲收銀四十一兩三錢五分

以上共征洋藥捐銀四十一兩三錢五分征土稅貨

釐捐洋藥稅錢一萬三千九百二十二吊九百四十

八文

拉林城

稅課局在城內由協領派員役經征土稅

韓家店分卡一

土稅額征市錢一千五百八十吊照章除員役工食

計二百三十七吊實應解市錢一千三百四十三吊按皇朝文

獻通考拉林稅銀定以七十二兩為額應指雜稅而言現歸雙城堡廳征解

貨釐捐歲收市錢三千一百吊

洋藥稅額征市錢三十五吊五百零八文



洋藥捐歲收銀七十九兩五錢三分

以上共征洋藥捐銀七十九兩五錢三分征土稅貨  
釐捐洋藥稅錢四千四百七十八吊五百零八文

琿春城

稅課局在城內由副都統派員經征

雜稅額征銀一百五十兩

土稅額征市錢三百二十吊

洋藥稅額征市錢八吊四百六十二文

洋藥捐額收銀二十六兩一錢四分

貨釐捐歲收市錢一千吊

以上共征雜稅洋藥捐銀一百七十六兩一錢四分  
征土稅洋藥稅貨釐捐錢一千三百二十八吊四百  
六十二文

光緒十年九月將軍希元奏言琿春雖孤懸一隅東  
濱海嶠乃山海貨物出產之區所有應納土稅向歸  
省城總局徵收當經行令凡在該處就地銷售貨物  
准其照章徵收若運往他處者不准中途截徵其牲  
畜雜稅准其一律照收年終據實報解云云

摺檔

吉林府

斗稅光緒七年奏准由分巡道派員役經征額征銀



三萬八千七百八十五兩零

據光緒十七年額征市錢十一萬七千四百十

吊零按時價折核銀數

照章除員役工食

計銀三千八百七十八兩零 實應

解銀三萬四千九百零七兩零如數存庫備抵新設

民官廉俸勇役餉銀造冊覈銷

經征細數詳各城及府廳州縣下

光緒七年三月將軍銘安奏言

臣前經奏請設官求

治以清盜源惟添官建署所費甚鉅祇有就地興利以本地所出供本地所需查吉省各城市集鎮斗隻向係私設間有請領官斗而所納之課為數甚微故於光緒五年揀派委員分赴城鎮仿照奉天酌抽斗稅章程一律勸辦先後會同地方各官傳集大小商

戶調查三年內帳簿逐年核計各就地方情形酌定抽收斗稅數目除三姓琿春二城瘠苦無庸抽收外其餘城鎮各商戶均已一律遵辦蓋私設之斗本取費用於民間此番化私為官在民間之費並無所加而公家之款已收其益初非損下而益上故易草偃而風行凡城鎮買賣較大商運較多處所每斗麤糧一十文細糧二十文小麥三十文其次每斗麤糧八文細糧十二文小麥十六文再其次偏僻鄉鎮出產本少商販無多之所凡細糧小麥亦照麤糧每斗一十文或六文均經覆核尙屬平允當即分別出示遵



行並令各商戶將抽收之款按季交納計每年吉林廳屬糧行燒鍋約可抽收市錢一萬五千吊長春廳屬糧行燒鍋約可抽收市錢三萬吊伯都訥廳屬約可抽收市錢一萬吊阿勒楚喀伊通州二處約可各抽收市錢一萬吊其次各集鎮約可抽收千餘吊一二百吊不等統計通省每年約可抽收斗稅市錢十二萬吊有奇如有盈餘儘收儘解第水旱偏災雖豐年亦所不免而斗稅之徵納視糴糶之多寡為盈虧似未便以豐年所徵定為每歲常額應隨時派員稽查嚴禁偷漏如遇歉歲減收自當據實奏明辦理並

請仿照徵收釐捐章程按年由抽收 稅項內酌提

一成以為稽查經理斗稅各員弁人 工食之用所

收斗稅另款彙存俟積有成數以作 官建署 費

摺檔 按斗稅奏准後由分巡道派員役經除員役工食外如數存庫備抵新設民官廉 餉銀造冊覈銷其經徵 數目詳下各府廳州縣 役

稅務總局在府城由知府派書役經征雜稅

雜稅額征銀九百二十六兩二錢七分

稅則 牛馬騾驢 每賣價銀一兩 稅銀三分 豬羊 每賣一口均

稅銀三分 活豬 每販一口 稅銀五分 黃菸 每百 稅銀

二錢 燒酒 每百 稅銀四分



店課銀二十兩

當課銀一百六十二兩五錢

牙秤銀十五兩

房稅銀三百四十兩二錢四分

據光緒十五年征數

以上共徵雜稅店課當課牙秤房稅銀一千一百二十三兩七錢七分

伊通州

稅務總局在州城由知州派書役經征雜稅

磨盤山分局赫爾蘇分卡

雜稅額徵銀八百九十兩照章除書役工食

計銀八十九兩

寶應解銀八百一兩

歸吉林府併解

店課銀十二兩

當課銀五十二兩五錢

房稅銀二百餘兩

斗稅額征市錢一萬二千六百八十六吊八百文由

商人包納按時批解道庫

貨釐捐額征市錢一千吊

以上共征雜稅店課當課房稅銀一千零六十五兩

五錢征斗稅貨釐捐錢一萬三千六百八十六吊八

百文



敦化縣

稅務局無

雜稅銀額征銀五十八兩四錢歸吉林府併解

當課銀二兩五錢

房稅銀二十餘兩

斗稅額征市錢四百九十八吊由商包納按時批解道庫

貨釐捐額征市錢五百吊

以上共征雜稅當課房稅銀八十兩零九錢征斗稅貨釐捐錢九百九十八吊

長春府

稅務總局在城內由知府派書役經征雜稅

富豐山分局一河陽堡分卡一

雜稅額征市錢一萬六千八百吊同治三年額定二萬八千吊光緒十

五年分設農安縣改如今額照章除書役工食計錢一千六百八十吊並府

署辦公計錢四千八百吊光緒十二年改核銀款實應解銀

二千九百二十三兩零

稅則 牛馬騾驢每賣價錢一吊稅錢三十文 販活豬每

稅市錢一百文 賣宰豬每口稅市錢六十文 黃菸

每百斤稅市錢四百文 燒酒每百斤稅市錢八十文農安



縣稅則  
照此

當課額征銀三十七兩五錢光緒十七年  
當鋪十五家

土稅額征市錢三萬六千吊咸豐七年額定二萬四  
千吊同治七年加征一

萬二千吊遇  
閏加三千吊光緒十二年改核銀一萬一百九十八

兩零按時批解司庫冊報

燒鍋票稅與吉林府屬額定共納票市錢十萬八千

吊光緒十七年冊燒鍋府屬十五農安七每燒鍋  
歲納票課錢二千七百六十吊二百三十文由

府批解官漫局

斗稅額征市錢一萬九千八百吊光緒十年額定一  
萬八千吊十三年

加征一千吊十  
六年征如今額又燒鍋斗稅額征市錢九千二百吊

均由商人包納按時批解道庫

貨釐捐額收市錢八萬吊經商逕解司庫

洋藥捐分局在城內歸併總局批解無定額總局派  
員經征

房稅無郭爾羅  
斯公徵

以上共征當課銀三十七兩五錢征雜稅土稅燒鍋

票稅斗稅貨釐捐錢二十六萬三千三百二十吊

農安縣

稅務總局在城內由知縣派書役經征雜稅

靠山屯分局一白旗岡分卡一

雜稅額征市錢一萬一千二百吊照章除書役工食



計一千一並縣署辦公計三千二百吊實應解六千九百八

十吊光緒十二年改核銀款批解

當課額征銀二十兩光緒十七年當鋪八家

土稅額征市錢三千六百吊

燒鍋票稅額數詳前光緒十七年縣屬燒鍋七由縣批解官濩局

斗稅額征市錢一萬五千二百吊又燒鍋斗稅額數

未據冊報定章每筒納市錢一百三吊三百七十文均由商人包納按時

批解道庫

貨釐捐額征市錢三千五百吊經商逕解司庫

洋藥捐分局在城內歸併總局批解無定額總局派員

房稅無郭爾羅斯公徵

以上共征當課銀二十兩征雜稅土稅燒鍋票稅斗

稅貨釐捐錢二萬九千一百八十吊

伯都訥廳

稅務總局在廳城由同知派書役經征雜稅

新城分局一

雜稅額征銀二千八百六十三兩零照章除書役工

食計銀二百八十六兩三錢實應解銀二千五百七十六兩七錢

稅則詳見吉林府

店課銀二十四兩



當課銀一百四十二兩五錢

牙秤課銀口兩

房稅銀六百餘兩

燒鍋票稅銀一萬六千兩由廳批解官渡局

斗稅額征市錢一萬六千五百九十吊

貨釐捐額征市錢六千五百吊

以上共征雜稅店課當課房稅燒鍋票稅銀一萬九

千三百四十三兩二錢征斗稅貨釐捐錢二萬三千

零九十吊

五常廳

稅務總局在城內由同知派書役經征雜稅

山河屯分局

至冬於五常堡二道河炕沿山桃兒山張全船口房身岡四道岡五道岡六道

岡七道岡八里甸扼要地方派役巡緝春盡則撤

雜稅額征銀六百六十五兩

光緒十五年奏定額數 照章除書

役工食

計六十六兩五錢

實應解銀五百八十八兩五錢

稅則

詳見吉林府

房稅銀九百餘兩

以上共征雜稅房稅銀一千四百九十八兩五錢

賓州廳

稅務總局在城內由同知派書役經征雜稅



阿什河分局 至冬於南天門蜚克圖小海溝西石槽分水嶺腰營廣興莊扼要地方派役巡緝春盡則撤

雜稅額征銀一千二百六十兩 光緒十五年奏定額數 照章除

書役工食 計銀一百二十六兩 實應解銀一千一百八十四兩

稅則 詳見吉林府

店課銀三十二兩

牙秤稅銀六兩

房稅銀一千一百餘兩

燒鍋票稅額征銀七千三百兩由廳批解官渡局

斗稅額征市錢一萬一千吊 原額一萬吊光緒十二年征如今額 由商

包納按時批解道庫

以上共征雜稅店課牙秤稅房稅燒鍋票稅銀九千

五百七十二兩征斗稅錢一萬一千吊

雙城廳

稅務總局在城內由通判派書役經征雜稅

拉林分局

雜稅額征銀六百六十四兩 光緒十五年奏定額數 照章除書

役工食 計銀六十兩四錢 實應解銀五百九十九兩六錢拉

林額徵雜稅銀數由廳併解

稅則 詳見吉林府



店課銀十二兩

當課銀七十兩

牙秤課銀六兩

房稅銀二百餘兩

燒鍋票稅與阿勒楚喀拉林賓州共征額稅銀二萬

兩新設小燒鍋每筒歲征銀二百兩無定額由廳批

解官蕩局

斗稅額征市錢七千吊由商包納按時批解道庫

拉林

額征錢數彙入同解

以上共征雜稅店課當課牙秤課房稅銀八百八十

五兩八錢征斗稅錢七千吊

總共征銀七萬七千八百兩零征錢六十六萬三千

六百八十四吊一百四十五文



六百八十四吊一百四十五文  
銀共五錢六分八厘  
正兩八錢一分







